

Caput subnitidum — — — — (Ceylon, Papuasia) *P. confinis* Rog.

Observatio. — *P. antipodum* For. (Nova-Zelandia) et *P. punctatissima*, subsp. *Schauinslandi* Emery (Insula Laysan), quarum sola ♀ nota est in tabellam assumi non potuerunt.

Species asterisco signatas e descriptionibus tantum novi.

57. *Ponera selenophora* n. sp. (Tab. VIII. fig. 4—6.)

Operaria. Fusco-nigra, mandibulis, antennis, pedibus anoque rufis, capite thoraceque opacis, epinoto et abdome nitidis, copiose flavido pubescens, parce pilosa, pilis versus apicem abdominis longioribus. Caput (sine mandibulis) parum longius quam latius, lateribus modice arcuatiss, occipite late, arcuatiss, haud profunde excavato, confertissime punctatum, punctis pubigeris, punctorum interstitiis et fundo opacis. Mandibulæ nitidæ, parce punctatæ, 8—9 dentatæ, dentibus anterioribus majoribus, acutis. Clypeus antice subrectus, haud carinatus; laminarum frontalium discus parvus, ciliatus, medio late sulcatus, sulco frontali dñmidiam longitudinem capitis haud attingente; oculi minutissimi, haud distincte compositi. Antennarum scapus marginem occipitis vix attingens, funiculus apicem versus sensim incrassatus, clava 5 articulata indistincta, articulis omnibus, exceptis primo et ultimo crassioribus quam longioribus. Thorax validus, dorso vix arcuato, haud impresso, paginis epinoti basali et declivi inter se angulum valde rotundatum amplectentibus, sutura promesonotali distincta, meso-epinotali debiliter signata vel obsoleta; mesonotum transversum, pronoto duplo brevius, ambo atque pleuræ et sterna omnia punctata, paulo minus opaca quam caput superne; epinotum nitidum, punctis discretis, piligeris, paulo angustius mesonoto, lateribus concavis, pagina declivi lata, pro receptione squamæ petioli transverse excavata, lateribus marginata. Petioli squama superne visa semilunaris, vel semicircularis, antice convexa, postice subrecta vel transversim subconcava, a latere visa antice subrecta vel leviter concava, superficie postica areuatim in dorsalem transeunte. Abdominis toti sculptura ut epinoti. — L. $2\frac{1}{2}$ — $2\frac{3}{4}$ mm.

Ob petioli structuram et oculos minutissimos in quibus stemmata discreta haud certe cerni possunt insignis.

Lemien, cribrando collecta.

58. *Ponera clavicornis* n. sp. (Tab. VIII. fig. 7—8.)

Operaria. Nigra, mandibulis, antennis, pedibus anoque rufescensibus, punctis pubigeris crebrius sculpta, interstitiis punctorum in capite, thorace et petiolo omnino opacis, gastere minus opaca; pilis erectis nullis nisi in segmentis abdominis apicalibus. Caput longius quam latius, lateribus debiliter arcuatiss, oculis minutissimis, mandibularum articulationi proximis, clypeo modice convexo, margine late arcuato, mandibulis nitidis, parce punctatis, margine masticatorio antice dentibus tribus majoribus,